

## Vorrede.

Der Sohn Gottes ja fürwar ein hohes thewres  
Pfund / vnd edles Depositum vbergeben vnd ein-  
gethan: Nemblich sein heilwirdiges / seligmachen-  
des Wort / vnd die hochwirdigen Sacramenta: Matth. 28.  
Die Schlüssel des Himmelreichs: Die vielfelti-  
gen Gaben des heiligen Geistes: Also daß der ed-  
le HErr Jesus Christus / dem einen / durch den  
heiligen Geist gegeben / zu reden von der Weiß-  
heit / dem andern zu reden / von der Erkenntnisse / Rom. 12.  
nach demselben Geist: Einem andern den Glau- 1. Cor. 12.  
ben / einem andern Weissagung / einem andern  
mancherley Sprachen / einem andern die Spra-  
chen außzulegen / etc.

Derwegen auch ihnen insonders obliegen vnd ge-  
bühren wil / daß sie solch ihr Talent vnd Pfund also ge-  
brauchen vnd verwalten / daß sie damit viel erwerben  
vnd gewinnen.

Weil nu aber Christus nicht nur von dem Knechte der  
5. Pfund von ihm empfangen / erfordert / daß er mit solchem  
zugetraweten Gute handeln vnd werben solle: Sondern  
auch eben diß / von demselben / dem er nur ein Pfund gege-  
ben / haben wil: auch hefftig zürnet / daß er mit seinem Pfund  
nichtes erworben: Als ist draus zu vermercken / das der  
HErr Christus nicht nur wolle das grosse vnd hochbegabte  
Lehrer / so für andern vielen / viel vnd mancherley Gaben  
empfangen haben / dieselben wol anzulegen / vnd viel damit  
zugewinnen / höchstes fleisses sich bemühen sollen: Sondern  
das auch andern / die viel geringere Gaben haben / eben diß  
obliegen vnd gebühren wolle. In wel-